

تخفیفی چاره‌ساز باقالی، و بوموفیتی الله ایتمک ایچون لازم اولان وسائط
نقدیه‌یی ویرمه‌لی. هکذا حرب اناسنده وفات ایدنلرک یتیم‌لرینی و سائر
اوکسوز چوجقلری باریندیرمه مخصوص یتیم‌خانه‌لر، (دارالایتامر) تاسیس
ایدلمه‌لی. تربیه‌لری ناقص، یاراماز، اخلاقی بوزوق، یولسز و پریشان چوجقلره
کنج‌لره مخصوص اصلاح‌خانه‌لر آچلمالی؛ شوؤسس‌لرده اوطورمق بوکیلر
ایچون مجبوری اولاجقندن، قید و قبوللری آنجق حاکم حکم واذنی ایله
ممکن اولاییله جکدر.

— ۵ —

عدلیه

حاکمک تک تماماً مستقل اولمالرینی؛ سیاسی اولان و مطبوعات واسطه‌سیله
ایدیلن جرم‌لرک «ژوری» (Jury) محکمه‌سی حضورنده کورولمه‌سنی، احتکارک
وارشدتیله قانوناً تعقیب ایدلمه‌سنی؛ و یاشی کوچوک اولانلرک حمایه اولمالرینی
طلب ایدهرز.

— ۶ —

اوردو

اواضر دینیة اسلامیه‌نک عسکرلکده‌ده معتبر و معمول به اولماسنی؛
بالخاصه رمضان شریفده مسلمان افرادک آغیر وظیفه‌لرله ازعاج ایدلمه‌لرینی
طلب ایدهرز. بوندن باشقه، سلک عسکری‌یه داخل اولانلرک سیاسیاته قاریشمه‌لرینی
وعین زمانده هم ملکی، همده عسکری وظیفه‌لر ایله توظیف ایدلمه‌لرینی
صورت قطعیده قانوناً منع ایتمه‌لی.

— ۷ —

صحیه

صحت عمومیة ملییه و حفظ الصحه‌یه کال اهمیتله عطف نظر ایدوب
بالخاصه مسکرات، بله‌سنلک دفعه وقت، لک...

— ۸ —

اوقاف و معارف مختاری

بزم اوقاف و معارف نظامنامه‌نک درحال اساسندن تعدیل اولماسنه
غیرت ایده جکز.

— ۹ —

یوغوسلاو دولتنده کی مسلمانلرله مناسباتمز

سائر یوغوسلاو ممالکنده کی مسلمانلرکده تشکیلاتمز داخل اولمالرینه
سی ایده جکز.

— ۱۰ —

ضرر و زیان تضمینی

بزم مسلمانلرله حرب اناسنده، و بالخصوص انقلاب زماننده ایدیلن
ضرر و زیانلر، کاملاً و ممکن مرتبه چابوق تضمین ایدلمه‌لی.

* *

یوغوسلاو نسقا موسلیمانسقا اورغانیزاجیانک نظامنامه‌داخلیسی
(اسم، هدف و وسائط)

۱ : — بوسنه — هر سک مسلمانلری ۱۶ شباط سنه ۹۱۹ تاریخده
اعلان ایتدکری پروگراملرینه واشبو نظامنامه‌داخلی‌یه استناداً (یوغوسلاو نسقا
موسلیمانسقا اورغانیزاجیا) فرقه سیاسییه‌سنی تاسیس ایدیورلر.
فرقه سیاسییه‌نک تشکیلات و فعالیتی؛ بوتون یوغوسلاویا مسلمانلرینه
تشمیل ایدیه جکدر.

فرقه سیاسییه‌نک هدف، پروگراملر مذکور مواد و مقاصدک